



Broj: 02-50-1-16-4/07
Sarajevo: 4.4.2007. god.

ZAPISNIK
4. sjednice Doma naroda
Parlamentarne skupštine Bosne i Hercegovine,
4. aprila 2007. godine

Sjednica je počela u 16,00 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Božo Rajić opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Na sjednici je usvojen sljedeći

D N E V N I R E D

1. Prijedlog zakona o Budžetu institucija BiH i međunarodnih obaveza BiH za 2007. godinu (prvo čitanje) – predlagač: Predstavnički dom

Ad -1. Prijedlog zakona o Budžetu institucija BiH i međunarodnih obaveza BiH za 2007. godinu (prvo čitanje) – predlagač: Predstavnički dom

U raspravi o ovoj tački učestvovali su: Mladen Ivanić, Dušanka Majkić, predstavnik Vijeća ministara Fuad Kasumović, Ivo Miro Jović, Slobodan Šaraba, Rudo Vidović, Ilija Filipović, Branko Zrno, Alma Čolo, Hilmo Neimarlija, Adem Ibrahimpašić i Sulejman Tihić.

Dom naroda je većinom glasova usvojio Prijedlog zakona o Budžetu institucija BiH i međunarodnih obaveza BiH za 2007. godinu u predloženom tekstu kako je dostavio Predstavnički dom.

Dom naroda je većinom glasova usvojio sljedeće zaključke nadležne komisije:

- 1) U skladu s članom 123. Poslovnika Doma naroda i međunarodnim standardima, predstavljanje budžeta tri mjeseca prije nove fiskalne godine mora biti standard BiH. Nacrt budžeta mora biti dostavljen Parlamentarnoj skupštini BiH do 30. septembra svake godine, dvije sedmice prije 15. oktobra, kao krajnjeg roka.

Zajednički kolegij će, u slučaju nepoštivanja roka od tri mjeseca za dostavljanje u parlamentarnu proceduru Nacrta budžeta, preporučiti domovima preduzimanje adekvatnih mjera prema Vijeću ministara BiH.

- 2) Dom naroda od ministara i državnih službenika zahtijeva i očekuje da osigura punu, korisnu i blagovremenu informaciju članovima Komisije za finansije i budžet Doma naroda Parlamentarne skupštine BiH, te traži da, kada god su pozvani, prisustvuju sjednicama Komisije i sjednicama Doma naroda.

- 3) Kolegij Doma naroda Parlamentarne skupštine BiH će, prilikom kreiranja budžeta za narednu godinu, djelovati amandmanski na prijedlog budžeta tako što će smanjiti ili eliminirati finansijska sredstva na određenim stavkama ministrima i ministarstvima koja nisu saradivala s delegatima i komisijama.

Dom naroda je također usvojio zaključak da se na nekoj narednoj sjednici zakaže tematska rasprava vezana za Prijedlog zakona o Budžetu institucija BiH, na kojoj bi se specificirali svi prijedlozi s današnje sjednice kao i zaključci koje je usvojio Predstavnički dom a na kojoj bi učestvovala sve relevantne institucije, odnosno lica.

Sjednica je završena u 17,10 sati.

Sastavni dio ovog zapisnika je neautorizirani transkript 4. sjednice Doma naroda.

v.d.SEKRETAR
DOMA NARODA
Aljoša Čampara,s.r.

PREDSJEDAVAJUĆI
DOMA NARODA
Ilija Filipović,s.r.